

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

**Sarasa, Alfonsus Antonius de
Antverpiae, 1664**

§. III. Traditur modus quo excipiendae sunt molestiae & dolores, vt in iis
constitutus, iis tamen acquiescas; hoc est, vt in dolore gaudeas.

urn:nbn:de:hbz:466:1-13517

mors. Hæc sanè satis video euadere omnia, nos non posse. naturæ nostræ è iudicis Dei sententiâ, innata sunt hæc duo, *labor* & quod peius est *dolor*. Certè non nego, cùm quis bonorum iacturam fecit, aut res omnes præter opinionem pessimè ceciderunt, cùm insignis impaæta est iniuria, cùm res publicæ pereunt aut priuatæ, cùm maritus aut amicus morte abripitur, aliaque cùm eneunt incommoda, naturam id persentiscere, fletus cieri, excitari suspiria, neque quidquam per id tempus admittere quod deleætet. Illud etiam satis mihi perspectum est, ita nobis conformatum esset corpus, ut pluribus morbis sit expositum; quos quidem dolores vehementissimi sæpe, numquam non mærores animi, corporis languores, dissolutiones membrorum, cordis anxieties, fastidia, mors denique ipsa consequantur.

17. Verum inquies, hæc si sciebas tam probè, conditionique nostræ dolor, & mentis mæror insertus si sit, cur ab ipso Tractatuum horum initio, lætitia addiscendæ factus es præco? ecquid promittis, præstati omnino quod non potest Audi; nec altercemur, hærentes vti aiunt in æquiuoco. Gaudium promisi, non risum. en. ep. 23. nisi tu fortè indicas, vti bene Seneca, illum gaudere qui ridet. mentis animique lætitiam sum pollicitus, non corporis impetiginem, tu iucunditatem voca. Quis enim sanus exigam, ut flendo rideas & inter lachrymas dissoluaris in eachinos; stultum est docere velle, quod contra naturam sit status, cui tamèn allaborare summa est perfectio. Gaudium hoc quod diuinus Paulus imperat, gaudium sine risu est, quodque amarissimis etiam lachrymis optimè commisceatur. gaudium est quod non in corporis dissolutione consistit, sed in quiete mentis. Hanc autem quo paeto medios etiam inter mærores habere possimus, operæ pretium iam erit explicare: hæc enim summa rei est,

§. III.

Traditur modus quo excipiende sunt molestiae & dolores, ut in iis constitutus, iis tamen acquiescas, hoc est, ut in dolore gaudeas.

18. N Eque verò longè petenda nunc est ea quam promisi gaudendi ars; ex iis quæ dicta sunt, si paululum iis immoremur, X x 3

*Con se nunc
erit si assé-
das, mole-*
emergit

si iam illâ
præcise eo
tempore fla-
tui tuo cō-
petere.

emerget illico. Totum medias inter molestias agitationesquere-
rum, tranquillandi animi artificium est, dolores rectè excipere.
Hoc ergo nunc agamus quo demum excipiendi sint modo'ne,
mentem perturbent, mentem tamen dum afficiunt. ad manum
praxis est. Illud itaque cum mœror ex quâcumque demum cau-
sâ ingruet, semper ob oculos habe, statum tuum, quem tamen
tibi conuenientissimum iudicas, hisce aliisque doloribus esse ex-
positum: ab eoque nunc, id est, hoc temporis momento exigi,
vt in mœrore sit animus, quia nempe hoc statum tuum decet
modò, conducitque rebustuis.

Id vero in-
dicabis si
eas à Deo
tibi tum
immitti
iudicaris.

Conducere autem dolores tibi, tum cum dolendi rationes se-
se offerunt, id quidem manifestum, sepiusque iam est demon-
stratum. Repetamus summatim aliqua. Imprimis id certus sum,
omnia à Deo, aut immitti aut permitti; permissa autem ritè di-
rigi. Deinde id liquidò agnosco, non nisi summo consilio, Dei-
que singula designantis industriâ, me in hòc quo hâc horâ sum,
statu collocari. Iudicauit itaque Diuina illa Mens, lètos vultus,
sanguinemque ad hilaritatem compositum, saluti meæ minime
hâc horâ conuenire; & ne forte in peccata abripiar, melancho-
liam, corporis intemperiem, præ gratâ humorum temperie ma-
gis conducere. Illud etiam rectè expendit, quanta & quam diu-
turna esse debuerit ea animi mœstitia, corporisque agitatio; ne si
nimia sit, noceat; sin nimis remissa, non profit. Vedit denique qui
casus, qui euentus, quæ fors, quæ oppositio, quæ iactura, eam
quæ mihi necessaria visa est, tristitiam essent inducta: eaque
demum ita digessit & attemperauit, vt hunc planè dolorem, siue
corporis, siue animi, siue etiam vtriusque incuterent, hâc horâ
hòc momentô, hòc pondere, hâc mensurâ: omnia prout eue-
niunt modò. An non hâc armatus cogitatione, omnes fortunæ
naturæque ictus excipiam constanter, imperterritè, & tranquil-
lè? An non in manu est, doloribus quod opponam?

Dolendum
est cum do-
loris causa
ingruit.

Vis itaque, dices, vt lètos sim etiam tum cum doleo? Volo
planè, neque hoc tantum, sed volo quin imò vt gaudeas, etiam
quia doles, nolo tamen vt ne doleas, tum cum dolendum est.
Aduertite si placet mentem, & exempli gratiâ, statuamus con-
iugis iacturam fecisse te, opes amissas, aut alijs animi agitationi-
bus vexationibusque validè premi. Certè non sum tam saxeus,
vt velim doloris sensu te non tangi; magis autem absit, vt velim
ridere

19.

20.

ridere te, gaudijque signa intempestiuæ edere: quin imò vt fléas
volo, vt cor tibi occludatur desidero, vt in suspiria gemitusque
vox abe. t permitto, denique dolere te, cum sanè dolendi pīæ
oculis tanta sit ratio. Verū animus tibi ne turbetur, adhiben-
da est cautio. Animus autem iudicio constat pīcipue & volun-
tate: hæc sibi constent, tranquilla est mens. Constatibit verò sibi
iudicium, si verè ita statuis & iudicas, hoc momento dolere de-
buissē te, Deumque omnia quæ tibi lachrymas excutiunt euenta,
huic dolori, hoc tempore, quia sic conueniebat; habendo atque
temperasse.

Sed iudica-
dolere de-
buissē te;
tum cura-
doles.

Et volens
doles, tunc
gaudebis
quod do-
leas.

21. Tum verò constabit sibi inuariata, idēoque medios inter an-
gores quieta voluntas, si iudicio sic efformato, in Dēum euolēt
illico, illudque trepido licet vultu, dicat intrepida: *Non sicut ego*
volo Pater sancte, sed sicut tu vis: Dolores hosce vis fustinere
me? approbo sanè, idēm tecum volo, volamque quamdiu vis.
Rursus, dolores hos perferre, iudicasti mihi maximè conuenire?
vultu deicto incedere, animo angi, voce suspirare voluisti me?
has mihi in scenā imposuisti partes? ita sit, ita factum volo. Ego
id agam, vt dolentis partes ingeniosè sanè repræsentem. partes
meæ nunc sunt vt lachrymer, lachrymabor sed ingeniosè: hoc
est, non obmurmurando auctori totius tragœdīa Dēo, tam tri-
stem mihi partem quod imposuerit, non dentibus infremendo
& indignabundus animo, non etiam quasi desperans de salute
posthac futurā: mente emotorum sibiique non constantium,
sunt iste actiones gestusque corporis, neque satis attendentium
quas lachrymas modo requirat, & quas dolendi partes Dēus im-
posuerit. Lachrymabor itaque, sed placide; idque quia partes
quas nunc ago, lachrymas nunc expetunt; expetunt autem,
quia Auctoris summi iudicio, nihil nunc agere poteram pī-
stantius, & quod toti vitæ meæ fabulæ exornandæ aptius conue-
niret.

22. Quid? an non in scenā comœdus, & in orchestrā tragicus, in
lachrymas eiulatusque sèpiùs dissoluuntur amarissimos, cum id
personæ ratio exigit & fabulæ conditio? Et rursus, nonne tunc
cùm lachrymantur, in sinu gaudent quām qui maximè, eas af-
fectiones animi tam exactè suo tempore quod patiantur, exhibe-
antque tam ingen'orè? Possimus e.g. vt videtis, & verè do-
lore affici, & gaudere nos sic affici. At si st̄a surt, inquietus, tra-
gœdorum

Ostenditur
exempli co-
mœdi, posse
aliquem
gaudere
quod do-
leat.

gœdorum lachrymæ, ficta suspiria. Certè si falsas esse arbitrari
quas fundunt lachrymas, erras planè; veræ sunt, & reipsâ verè
corpus imò & animum actoris afficiunt. quo! si fictas, id est, ef-
fectas & esformatas existimas, existimo & ego tecum. At quo-
modo effinxit? certè non aliter, quām viuā imaginatione im-
pendentis sibi, aut iam inflicti in scenā mali. Repræsentat sibi
malum propter quod dolere debeat, & statim dolet. Cur vero
id sibi repræsentet si interrogas, certè non habeo quod respon-
deam, nisi quòd ita tulerit fabulæ quæ agebatur cursus, & auto-
ris fabulam componentis dispositio. Flet igitur quia flere tunc
debuit; & ingeniosè opportunèque quòd lachrymetur, gaudet
animo.

*Cum doles,
sc. as tibi
dolētis par-
tem eotē-
pere à te
agendam,
à Deo tra-
di.*

Quid igitur miserum me esse exclamo? quid me contorqueo?
quid reluctor si quid dolendum occurrit? Fabulam profectò
agimus, quotquot vitam agimus. Dolendum est non rarò, ita
fert vitæ nostræ fabula; excitandæ sunt lachrymæ, ita dispositus
auctor fabulæ Deus. Hoc autem inter comedì lachrymas,
measque interest; quod eas vt exprimat, malum quod nulquam
est sibi imaginatione repræsentet ille, mihi vero ab auctore Deo
malum reipsâ infligatur, vt illud viuacius mihi repræsentem, &
repræsentatione lachrymæ tandem excitentur. Vtrobique veræ
sunt lachrymæ, verusque dolor; utrobique doloris causa, sed ali-
ter tantum atque aliter menti proposita; utrobique mens aucto-
ris exigentis lachrymas. Quin igitur gaudeo lachrymari me,
cùm sic oportet; & partes meas bene agere, quas Deo sic volen-
te, agendas lubens suscepi?

*Expeditur
illa veri-
tas, & ap-
plicatur
particula-
ribus euz-
tibus.*

At vero, vnde id dignoscam inquires, an me dolere velit Deus?
Actam rem agimus cùm sèpius dicendum est idem. Hoc certè
manifestum est velle Deum, cùm ipso sic omnia dirigente, sce-
namque componente, ijs me cinctum video circumstantijs, quæ
mœstiam secum ferunt. tum certè flendum est mihi, cùm id
mea sors (tu Partem in tragœdiâ voces) expositulat, quam agen-
dam suscepi non inuitus, Deusque mihi agendam præmeditatè
imposuit. An non à Deo est, quòd homo sum? an non partes
humanas, non vero Angelicas mihi agendas tradidit Deus, eas-
que acceptau? igitur omnia mihi sustinenda sunt, humana quæ
fert sors; labor inquam, defatigatio, morbi, mors: Humana
hæc sunt. Præterea non hominis tantum generatim partes ac-
cepi:

cepi; sed huius personæ quam nunc gero, hoc tempore, his membris conuestitæ, in hoc statu constitutæ quem præfero. Rursus ergo omnes, quæ conditioni meæ innexæ sunt, molestias suscepit exsorbendas, hunc hominem agere cùm suscepit. Denique cùm solus totam fabulam peragere non possim, & in scenam tamen huius mundi cùm prodierim, alijs collegis socijsque adiungi me sum passus, qui suas quoque partes & mecum & circa me, ex auctoris mente destinationeque peragerent. itaque & ea omnia sustinenda suscepit, quæ mihi ab ijs siue amicis, siue inimicis, siue parentibus siue filijs, siue prælatis, siue subditis, siue notis siue ignotis, siue malis siue bonis, siue perfas & merito siue immerito & per omne nefas euenirent. Semper enim meæ partes sunt, alienam sustinere & pati, vt meas rectè agam.

Hæc cum ita sint, tunc sic mecum ago. Amicus iste quocum ago, hæc coniux, hi liberi, hi denique quicumque sint homines, qui mecum in scenam prodeunt acturi vitæ fabulam; homines certè sunt non Angeli, multis sanè vicissitudinibus, fastidijs, vitijsque sunt expositi & implexi, quibus mihi sine dubio non semel officent, dolorisque non iniusti causam dabunt. Rursus amicissimi vt sint, mortales tamen sunt, morbis mortique obnoxij. Quid igitur miror aut etiam indignor, eos morte mihi eripi? an ergo immortales arbitrabar ego amicos meos, aut Angelo existimabas nupsisse te? Sciebam inquis mortalem esse, at verò nesciebam hoc præsertim tempore, mortalitatis soluenda iura, mihi que subtrahendum tam citò. Ain verò? nesciebas tu; sciebat id verò Deus, sciebat inquam & partes suas coniugem peregisse, & dolere modò debere te: utrumque quia conueniebat & rebus tuis, totique fabulæ. Quin igitur ingeniosè partem tuam agis, & fles placidè, cùm id agas quod tibi agendum est, opportunè & benè? Verùm inclamas, sensu doloris ob iacturam iam factam vehementer opprimi tibi animum, præstringi fauces, palpitare cor. Scio isthæc omnia; sed & hoc scias velim, sensum illum doloremque habere modò debuisse te. rationes si ignoro, id scio ita ab auctore Deo fuisse constitutum, & hoc sufficit. Denique fit, vt tu ipse in morbos incidas acutissimos: an idcirco mente perturbaberis? quasi-verò nescires eâ lege hominem esse te, mortalis vt sis vitamque morte vt termines? id si compertum tibi est, quid ægrè fers de scenâ discedendum

Y y

dum

dum esse, partes tuæ peractæ cum iam sint, neque te quidquam præterea agere velit totius fabulæ auctor Deus? verùm hoc sequenti Tractatu prosequendum est latiùs.

Explicatur
præzugau-
dendi quod
doles.

Illud itaque ingruente quo cumque demum doloris sensu & 26. materiâ, vniuersim agite Auditores. Primi quidem iudicate dolendi materiam, quæ sensum affligeret, superuenire vobis debuisse, idcirco quod fors vestra seu pars id ita ferret, clarissimè que dolorem illum in eâ fuisse expressum. Deinde voluntas illico assurgat, sorremque liberè arripiat, dicatque; Placet id modò agere, modò quod postulor. Héri hilarem peregi partem; sentio nunc mutari mihi sanguinem; rationem non examino, mutatur tamen: siue id bonorum iactura, seu inficta iniuria, siue tetrica senectus, seu morbus ingruens, siue amicorum mors, aliusue casus afferat, parum interest. interim angi me persentisco, collidi viscera, oculos in lachrymas ire. Benè est; murata fors est, aliæ agendæ sunt partes, ita fert vitæ scena, quæ ab hesternâ nunc est alia. itaque pro viribus agam ut benè doleam, ut benè lachrymer, ut benè ægrum agam, vti Christianum Deique cultorem decet. Non contristemini, inquit Paulus tantus gaudijs en- 1. ad comiastes, sicut ceteri qui spem non habent. Tristitiam non ex- Thess. 4. cludit à Christiano pectorē, aliter ramen tristem esse vult præ ceteris qui spem non habent, penitusque ignorant, in quam spem lachrymæ benè expressæ referuentur. Bene autem exprimuntur, ingeniosèque aguntur dolentis partes, cum corpore prorsus commoto, & doloribus sensuque acri dissoluto, superior voluntas sibi constat, neque quidquam Numini obmurmurrat, neque minus reverentia, amorisque Deo præstat; certa, ne minimum quidem crimen committere, leniendo aut etiam euadendo dolori suo. Ingeniosius verò longè agam partes meas, si Deo calculum adiecerō, si factum approbauerō, si denique Deum ipsum adjurauerō, in eandem me ire sententiam, ita fieri debuisse, ita factum optimè, neque me quidquam immutatum velle in re quam sanctissima tam sapientis Numinis voluntas tulit.

Hoc denique est gaudere animo, cùm doles corpore. hoc est gaudere, quod doles: hoc tandem est immotum esse, quando mouentur omnia.

s. IV.